

## STANDARDIZIRANI DŽEMATSKI STATUT IZBNJ – FINALNA VERZIJA – BOSANSKI JEZIK

(Usvojen na XI.Sjednici Sabora Islamske zajednice Bošnjaka u Njemačkoj)



IGBD | Islamische Gemeinschaft der Bosniaken in Deutschland – Zentralrat e.V.

IZBNJ | Islamska Zajednica Bošnjaka u Njemačkoj - Mešihat

بِسْمِ اللَّهِ الرَّحْمَنِ الرَّحِيمِ

# STATUT DŽEMATA

**IZBNJ – Džemat** Böblingen-Sindelfingen e.V.

(Islamska zajednica Bošnjaka u Njemačkoj – Džemat Böblingen-Sindelfingen e.V.)

## Opći podatci

Medžlis:	.....
Naziv džemata:	..... e.V.
Adresa:	Strasse ..... PLZ ..... Ort .....
Datum registracije:	..... / ..... / .....
Nadležni registarski sud:	Amtsgericht: ..... VR- .....
Porezne uprava i porezni broj:	Finanzamt: ..... Steuer-Nr.: .....
Usvajanje statuta:	..... / ..... / .....
Unošenje u IZBNJ-registar:	
Članarina:	..... EUR

Preambula

- § 1 Naziv i sjedište
- § 2 Ciljevi i svrha džemata
- § 3 Status društveno-korisnog udruženja
- § 4 Članstvo
- § 5 Obaveze i prava člana
- § 6 Stupanje u članstvo
- § 7 Prestanak članstva
- § 8 Članarina
- § 9 Organi džemata
- § 10 Džematska skupština
- § 11 Džematski odbor
- § 12 Nadzorno vijeće
- § 13 Revizori
- § 14 Članstva džemata
- § 15 Imam
- § 16 Imovina džemata
- § 17 Usluge i nadoknade
- § 18 Uvjeti po pitanju poslovnih knjiga džemata / Zaštite osobnih podataka
- § 19 Izmjene statuta
- § 20 Likvidacija džemata
- § 21 Savjet za vjerska pitanja
- § 22 Završne odredbe
- § 23 Stupanje na snagu statuta

## Preambula

Islamska zajednica Bošnjaka u Njemačkoj je zajednica muslimana Bošnjaka i onih muslimana koji je prihvataju kao svoju. Islamska zajednica Bošnjaka u Njemačkoj dio je Islamske zajednice u Bosni i Hercegovini. Vjerski poglavar je Reisu-l-ulema u Sarajevu. Islamska zajednica u Bosni i Hercegovini konstituisana je 1882.godine unutar tadašnje Austro-Ugarske Monarhije. Ona kroz svoje djelovanje poštuje univerzalne i islamske vrijednosti. U duhu pluralističkog suživota ona djeluje stoljećima na Evropskom Kontinentu.

Islamska zajednica Bošnjaka u Njemačkoj se u svojim temeljima smatra kao nit između vjere i vjernika. Organizacijski se to odražava u spojenosti njezinih predstavničkih organa i organa vjerskog vođstva. Njezinu srž predstavlja jedinstvo tih organa. Vjerski nosioci autoriteta (vjerski poglavar, glavni/oblasni imami, imami) imenovani su putem dekreta Reisu-l-uleme u Sarajevu. Dekret se dodjeluje onim imamima, čija je teološka izobrazba i sposobnost vjerodostojna, ispitana i time priznata od strane Islamske zajednice u Bosni i Hercegovini. Samo one imame, koji ispunjavaju prethodno navedene principe djelovanja Islamske zajednice u Bosni i Hercegovini, i koji po njima rade i djeluju, moguće je postaviti u radnu odgovornost dekretom.

Članovi džemata izjavljuju da su pripadnici islama. Pod krovom saveznog udruženja i njegovih državnih i regionalnih udruženja, oni žele da praktikuju svoju vjeru i da daju doprinos široj društvenoj zajednici. Kroz djelovanje svojih džemata, međžlisa kao i saveznog udruženja, Islamska zajednica Bošnjaka u Njemačkoj teži ka tome da stekne status Religijske zajednice. Unutar islamskih pravnih škola, oni slijede hanefijski mezheb, priznavajući istovremeno i ostala sunitiska učenja kao ravnopravna i važeća. U praktikovanju svoje vjere, oni slijede hanefijski mezheb i islamsku tradiciju Bošnjaka.

Oni se zalažu za to, da se svim ljudima omogući život koji im garantuje slobodni razvoj u osobnom, tjelesnom, vjerskom i kulturološkom smislu. Oni priznavaju pluralističko i demokratsko društvo, na temeljima Slobodarsko-demokratskog Poretka SR Njemačke. Osnova za njihovo zajedničko i društveno-korisno djelovanje su KurAn i Sunnet (islamsko učenje), Konvencija za zaštitu ljudskih prava, Njemački ustav, ustavi pojedinih saveznih država kao i važeće pravne norme SR Njemačke.

## **§ 1 Naziv i sjedište**

### 1.1 Naziv džemata

Džemat se vodi pod nazivom

„IGBD – Gemeinde I **Böblingen-Sindelfingen e.V.**

(Islamska zajednica Bošnjaka u Njemačkoj – Džemat I **Böblingen-Sindelfingen**)

Dozvola korištenja dodatka „IGBD“ u nazivu kao i ostalih naziva i simbola saveznog udruženja automatski prestaje biti na snazi istupanjem iz članstva u krovnoj organizaciji. Dalje korištenje naziva, poslije istupanja iz članstva, krovna organizacija može zabraniti.

### 1.2 Sjedište džemata

Sjedište džemata je <sup>Sindelfinge</sup><sub>n</sub>, gdje se džemat vodi u registarskom sudu pod brojem

VR-VR 241123

## **§ 2 Ciljevi i svrha džemata**

2.1 Osnovu za ciljeve i svrhu džemata predstavlja islamsko učenje. Odabir sredstava i troškova džemata stoga podliježe zadacima i svrhama islamskog učenja u okviru Slobodarsko-demokratskog Poretka SR Njemačke.

2.2 Džemat djeluje isključivo i neposredno u društveno-korisne svrhe shodno zakonskoj odredbi „Steuerbegünstigte Zwecke der Abgabenordnung“.

2.3 Svrhu džemata predstavlja promicanje islamske vjere i islamskog učenja kao i praktikovanje islamske vjere. Statutarna svrha se ispunjava na taj način, što će se uspostavljati i održavati molitveni prostori, džamije i islamski centri; što će se sprovoditi vjerski obredi; doškolovavati imamski kadar; predavati vjeronauka; izvršavati pokopni obredi i pomen preminulih; izvršavati pripreme za vjerska putovanja; obilježavanje islamskih blagdana; njegovanje veza i susreta među džematlijama; promicanje i unaprijeđivanje dijaloga sa nemuslimanskim vjerskim zajednicama i zajednicama drugog svijetonazora kao i promicanje općenitog vjerskog života unutar džemata.

2.4 Daljnje svrhe džemata su promicanje znanja i nauke, posebno u oblasti islamskog učenja; u pogledu na kulturu, tradiciju i jezik Bošnjaka; kao i u pogledu uspješne integracije.

2.5 Statutarna svrha se ispunjava kroz: organizaciju međureligijskih seminara i školovanja; informativnih predavanja iz oblasti kulture kao i ostalih oblasti; vjerski odgoj djece i omladine kao i njihov odgoj na maternjem jeziku; kroz mjere u oblasti obrazovanja odraslih osoba.

2.6 Svrha džemata je promicanje i oblikovanje rada sa djecom i omladinom. Džemat po tom pitanju nastoji da pruži podršku edukativnom familijarnom, obrazovnom i vjerskom rade roditelja u odgajanju naraštaja. Džemat sebi postavlja cilj da uspostavi otvoreni rad sa omladinom i da isti kreira. Da probudi kod djece i omladine samoinicijativu i interes, da promiče njihov vjerski život kao i da jača njihovu odgovornost prema društvu, čovjeku i prirodi.

Realizacija staturnih svrha se postiže posebice kroz: pridobivanje omladine da se angažuje u društveno-korisne svrhe u radu sa djecom i omladinom; prihvatanje i podupiranje omladinskih samoinicijativa; provođenje raznih projekata, koja djecu i omladince osposobljava da svoj život i svoje

slobodno vrijeme kreiraju svestrano; uspostavljanje adekvatnog prostora za omladinu kako bi ista bila u mogućnosti da na koristan način provodi svoje slobodno vrijeme; promicanje kontakata između omladine drugih vjerskih zajednica i provođenje odgovarajućih projekata; mjere društvenog i političkog obrazovanja s ciljem promicanja demokratskog djelovanja omladine; promicanje socijalne integracije djece i omladine sa migracijskom pozadinom.

- 2.7 Daljnja svrha džemata je promicanje milosrdnih aktivnosti. Svrha statuta se ostvaruje, kroz pružanje socijalnih usluga muslimanima i nemuslimanima. Dalje je predviđeno pružiti pomoć onim ljudima, koji ispunjavaju uslove 53 Abgabenordnung. Svrha statuta se postiže kroz pružanje pomoći ljudima kojima je pomoć potrebna i koji su ugroženi uslijed katastrofa: pomoć se pruža putem darivanja novčane ili materijalne pomoći ili kroz snošenje troškova za neophodno medicinsko liječenje i snošenje troškova za dostojanstven ukop (ukoliko su obezbjeđena namjenska sredstva za to) kao i iskupljanje sredstava za ustanove unutar države i ustanove u inostranstvu koje djeulu u navedenom smislu.
- 2.8 Daljnja svrha džemata je promicanje participacije po svim društvenim pitanjima kao i zastupanje interesa članstva na lokalnoj razini. S ciljem ostvarivanja navedenih ciljeva, džemat će ostvarivati kontakte sa političkim strankama, lokalnom upravom i njezinim ustanovama i institucijama kao i sa drugim vjerskim zajednicama i crkvama. U svim tim odnosima jasno se naglašava da je džemat politički neutralan. Svrha džemata se realizira kroz međukulturološke aktivnosti, putem manifestacija koje ciljano promiču razumijevanje između naroda, kultura i vjera.

### **§ 3 Status društveno-korisnog udruženja**

- 3.1 Džemat djeluje „selbstlos“; džemat ne služi primarno „eigenwirtschaftliche Zwecke“.
- 3.2 Sredstva džemata dozvoljeno je koristiti isključivo u statutarne svrhe.  
Članovi džemata ne primaju doprinose iz džematskih sredstava.
- 3.3 Nije dozvoljeno da bilo koja osoba bude u povlaštenom položaju kroz izdatke koji nisu u skladu sa statutom kao i kroz isplaćivanje neprimjerenih novčanih nadoknada.
- 3.4 Poslovna godina džemata je kalendarska godina.

### **§ 4 Članstvo**

- 4.1 Džemat čine redovni i počasni članovi kao i članovi koji promiču aktivnosti džemata.
- 4.2 Redovni član može postati svaka punoljetna osoba u građansko-pravnom smislu, koja je spremna priznati statutarne svrhe i ciljeve džemata i koja će iste promicati.
- 4.3 Član koji promiče aktivnosti džemata može biti pojedinac ili bilo koje drugo pravno tijelo koje za svrhe džemata donira materijalnu i novčanu pomoć. Ti članovi nemaju pravo glasa.
- 4.4 Status počasnog člana može od strane skupštine džemata biti dodijeljen osobama koje imaju posebne zasluge za rad, djelovanje i razvoj džemata. Počasni članovi nemaju pravo glasa.
- 4.5 Redovni članovi ujedno su članovi saveznog krovnog udruženja.

## **§ 5 Obaveze i prava člana**

5.1 Obaveze člana su slijedeće:

- poznavanje i priznavanje statutarnih ciljeva i svrha
- priznavanje islamskih principa, normi i islamske tradicije (Bošnjaka)
- priznavanje Slobodarsko-demokratskog Poretka SR Njemačke
- redovno davanje sredstava za sprovedbu džematskih statutarnih ciljeva i svrha
- čuvanje ugleda i jedinstva Islamske zajednice Bošnjaka u Njemačkoj

5.2 Svaki član ima slijedeća prava:

- slobodno ispoljavanje pripadnosti islamu i ispunjavanje islamskih obaveza
- obazovanje u islamskom učenju
- korištenje džematskih ustanova za izvršavanje vjerskih obreda shodno važećim pravilima
- prisustvo i uključivanje u džematske manifestacije
- primjereno i blagovremeno informisanje u radu organa džemata i viših instanca islamske zajednice Bošnjaka u Njemačkoj
- obraćanje organima islamske zajednice po pitanju očuvanja vjerskih prava
- korištenje imovine islamske zajednice shodno važećim pravilima.

## **§ 6 Stupanje u članstvo**

6.1 Član se postaje podnošenjem zahtjeva. Zahtjev se podnosi pismenim putem odboru džemata.

6.2 O zahtjevu odluku donosi džematski odbor. Odluka se evidentira u zahtjevu i potpisuje od strane najmanje dva člana odbora. Džematski odbor može odbiti zahtjev o pristupanju bez daljnjih obrazloženja.

## **§ 7 Prestanak članstva**

7.1 Članstvo prestaje istupom, smrću i isključivanjem.

7.2 Istup se očituje pismenim putem odboru džemata. On stupa na snagu sa rokom od 4 sedmice za kraj mjeseca.

7.3 Ukoliko član počini djela, koja su principijelno u suprotnosti sa islamskim učenjem ili važećim zakonima, ili počini djela koja su u suprotnosti sa obavezama koja su navedena u članu 5, ili počini djela koja predstavljaju štetno djelovanje po udruženje, član može biti isključen iz džemata, odnosno moguća je primjena disciplinskih mjera.

7.4 Djela koja su principijelno u suprotnosti sa islamskim učenjem i važećim zakonima su nemoralna djela i djela koja predstavljaju krivična djela po njemačkom krivičnom zakonu.

7.5 U štetno djelovanje po udruženje spada slijedeće:

- trajno ugrožavanje ugleda džemata i kršenje statutarnih odredbi;
- djelovanje kojim se trajno urušava mir i zajedništvo u džematu;
- svijesno djelovanje koje krši važeće odluke skupštine;
- svijesno djelovanje koje krši važeće odluke nadzornog vijeća i Savjeta za vjerska pitanja;
- neizmirivanje obaveze članarine duže od tri mjeseca.

- 7.6 O disciplinskim mjerama i isključenju odluku donosi džematski odbor nakon saslušanja člana kojeg se tiče. Odluku je potrebno pismeno obrazložiti i poslati na zadnju poznatu adresu člana. Odluka postaje pravosnažna sa objavljivanjem. Član protiv odluke može u roku od 4 sedmice uložiti pismenu žalbu džematskom odboru uz adekvatno obrazloženje. U tom slučaju džematska skupština donosi zaključnu odluku po pitanju isključenja.

## § 8 Članarina

- 8.1 Džemat uspostavlja članarinu. Skupština je nadležna da odredi njezinu visinu. Članarina može biti regulisana na taj način da uvažava finansijske mogućnosti članova. Detalje reguliše „Džematski pravilnik o članarini“ o kojem odluku donosi džematska skupština.
- 8.2 Članovi su obavezni da mjesečno unaprijed izmire obavezu članarine.

## § 9 Organi džemata

- 9.1 Organi džemata su:
- džematska skupština
  - džematski odbor
  - nadzorno vijeće
  - revizori.

## § 10 Džematska skupština

- 10.1 Džematska skupština predstavlja najviši organ džemata. Priprema i sazivanje skupštine je u nadležnosti džematskog odbora ukoliko statut ne reguliše ništa drugo.
- 10.2 Džematsku skupštinu čine svi redovni članovi džemata. Svaki član ima jedno pravo glasa. Svaki član ima pravo da bira i da bude biran.
- 10.3 Pozivnice za održavanje skupštine upućuju se pismenim putem uz navođenje dnevnog reda sa rokom od 14 dana. Medžlis se o tome po potrebi obaviještava blagovremeno i na adekvatan način.
- 10.4 Skupština se sastaje redovno i vanredno.
- 10.5 Redovna skupština se saziva odlukom i pismenom pozivnicom džematskog odbora najmanje jedan puta godišnje neradnim danom.
- 10.6 Džematski odbor dužan je sazvati vanrednu džematsku skupštinu ukoliko je to zahtjev četvrtine članstva ili nadzornog vijeća. Taj zahtjev mora biti upućen pismeno uz obrazloženje. Ukoliko odbor ne udovolji zahtjevu u roku od 4 sedmice nakon dostavljanja istog, nadzorno vijeće može sazvati vanrednu džematsku skupštinu.
- 10.7 Skupština iz reda svoga članstva u pravilu vrši odabir voditelja skupštine, ukoliko u opravdanim slučajevima skupštinu ne vodi predstavnik/izaslanik nadzornog vijeća.
- 10.8 Skupština je sposobna donositi odluke prisustvom polovine članstva koji joj se odazove. U pozivnici će džematski odbor navesti pismeno rezervni termin za održavanje skupštine. Ukoliko sazvana skupština nema kvoruma, skupština za rezervni termin ima kvorum neovisno od broja prisutnih članova.



- 10.9 Skupština donosi odluke u pravilu sa prostom većinom predatih glasova onih članova koji prisustvuju skupštini, ukoliko statut ne reguliše nešto drugo. Prilikom izbora, onaj je izabran koji u svojoj ličnosti objedinjuje najviše glasova. Skupština može donijeti odluku da se glasanje vrši tajno.
- 10.10 O održanoj skupštini vodi se zapisnik. Zapisnik potpisuju voditelj skupštine i zapisničar.
- 10.11 U nadležnosti skupštine spada:
- izbor džematskog odbora i revizora;
  - izbor dva člana džemata u nadzorno vijeće;
  - izbor sabornika u Sabor krovne organizacije/saveznog udruženja;
  - odluka o nacrtu budžeta džemata koji je postavljen od strane odbora;
  - razmatranje i usvajanje godišnjeg izvještaja o radu džematskog odbora;
  - razmatranje i usvajanje godišnjeg finansijskog izvještaja džematskog odbora;
  - rasterećivanje džematskog odbora po pitanju izvještaja;
  - donošenje odluka i pravilnika o članarini;
  - donošenje odluka o izmjeni statuta;
  - donošenje odluke o likvidaciji udruženja;
  - izdavanje smjernica za rad džematskom odboru;
  - donošenje odluka o eventualnim isključenjima iz članstva;
  - izdavanje smjernica za rad zastupnicima u skupštini medžlisa;
  - izdavanje smjernica za rad saborniku u Saboru krovne organizacije/saveznog udruženja.

## § 11 Džematski odbor

- 11.1 Džematski odbor se sastoji od najmanje 5 članova:
- predsjednik
  - potpredsjednik
  - imam
  - referent za finansije (blagajnik)
  - sekretar.
- 11.2 Odlukom skupštine, džematski odbor može biti proširen. Naročito je shodno mogućnostima džemata potrebno izabrati predstavnika omladine (omladinska sekcija) i predstavnicu žena (ženske sekcije). Odbor ima pravo da uspostavi komisije i imenuje referente za izvršavanje svojih obaveza.
- 11.3 Skupština bira odbor za mandat u trajanju od 4 godine.  
Imam je član odbora po položaju i ne podliježe proceduri izbora.
- 11.4 U § 11.1 navedeni članovi odbora predstavljaju „Vorstand“ u smislu § 26 BGB.  
Dvojica članova odbora, skupa jedan s drugim, zastupaju džemat sudski i izvansudski. Tom prilikom moraju biti prisutni predsjednik i njegov zamjenik ili imam.
- 11.5 Za sposobnost donošenja odluka, potrebno je natpolovično prisustvo članova džematskog odbora, s tim da sjednici u pravilu moraju prisustvovati predsjednik ili njegov zamjenik i imam kao vjerski odgovorno lice.

- 11.6 Odbor ostaje na funkciji dok se ne izabere novi odbor. Članovi odbora koji istupe iz odbora prije kraja mandata, popunjavaju se odlukom odbora dok mandat traje. Ukoliko istupi tri ili više članova odbora, skupština je pozvana da u roku od šest sedmica izabere novi džematski odbor.
- 11.7 Džematski odbor je nadležan za: vođenje tekućih poslova džemata; pripremu i realizaciju odluka skupštine; izvršavanje dodatnih aktivnosti koje su predviđene ovim statutom i zakonom.
- 11.8 Džematski odbor će uvažavati u svom radu smjernice i prijedloge krovne organizacije i medžlisa. Kroz to nije dozvoljeno ugroziti samostalnost džemata.

## § 12 Nadzorno vijeće

- 12.1 Nadzorno vijeće čine:
- predsjednik Zajednice (krovne organizacije/saveznog udruženja)
  - predsjednik medžlisa
  - glavni (oblasni) imam medžlisa
  - dva člana iz reda članstva džemata.
- 12.2 Prva tri navedena člana nadzornog vijeća mogu pismenim putem upunomoćiti članove izvršnih organa krovne zajednice ili medžlisa da u njihovo ime nastupaju.
- 12.3 Nadzorno vijeće shodno „Pravilniku o radu imama“ ima pravo da u radno-pravnom smislu sudjeluje po pitanju radnog ugovora sa imamom.
- 12.4 U slučaju teških unutarđematskih konfliktnih situacija kao i u slučaju zloupotrebe položaja pojedinih članova džematskog odbora, nadzorno vijeće može preuzeti tekuće poslove džemata do slijedeće skupštine. U tom pogledu, nadzorno vijeće ima pravo da pismenim putem upunomoći pojedine članove džemata sa vođenjem tekućih poslova. U tim slučajevima nužno je sazvati džematsku skupštinu čim prije moguće.

## § 13 Revizori

- 13.1 Skupština je nadležna za izbor tri revizora.  
Revizori su odgovorni isključivo prema skupštini.
- 13.2 Revizori najmanje jednom godišnje vrše provjeru financijskog poslovanja džemata.  
O rezultatima provjere, revizori podnose izvještaj skupštini i predlažu rasterećenje džematskog odbora.

## § 14 Članstva džemata

- 14.1 Džemat se na saveznoj razini priključuje krovnoj organizaciji/saveznom udruženju „Islamische Gemeinschaft der Bosniaken in Deutschland – Zentralrat e.V.“ (Islamska zajednica Bošnjaka u Njemačkoj – Mešihat).  
Savezno udruženje zastupa interese džemata i njegovog članstva na saveznoj razini.
- 14.2 Džemat je na državnoj/regionalnoj razini dio medžlisa „Regionaler Rat Baden-Württemberg“ (MIZ Baden-Wuerttemberg).  
Medžlis zastupa interese džemata i njegovog članstva na pokrajinskoj/regionalnoj razini.

- 14.3 Samostalnost džemata/udruženja ostaje na snazi. Za članstvo džemata u drugim organizacijama ili njihovo priključivanje/uvezivanje sa drugim organizacijama, potrebna je saglasnost nadzornog vijeća.
- 14.4 Džemat i članstvo svojim pristupom u članstvo vrše priznavanje statuta i akata saveznog udruženja kao i medžlisa. Ukoliko je tim statutima predviđena nadležnost viših organa po određenim pitanjima, džemat prenosi svoje nadležnosti na te više organe.
- 14.5 Džemat godišnje izvršava obavezu članarine saveznom udruženju. Članarinu džemata savezno udruženje prosljeđuje medžlisu, kojem džemat pripada.
- 14.6 Zaključkom svake poslovne godine, najkasnije kada je dostupan, džemat prosljeđuje saveznom udruženju kopiju svoje bilanse. Džemat je dužan ispostaviti krovnim udruženjima po potrebi neophodne „Freistellungsbescheide“, izvode iz sudskog registra kao i kontakt-podatke aktuelnih članova odbora.
- 14.7 Zajedničke humanitarne aktivnosti saveznog udruženja kao i aktivnosti koje predstavljaju aktivnosti interregionalnog karaktera, džemati su dužni da sprovedu i daju u njima svoj doprinos, ukoliko tome ne stoje na putu hitni unutardžematski razlozi.

## § 15 Imam

- 15.1 Imam je član odbora po položaju.
- 15.2 Imam vodi brigu o poštivanju islamskih normi kao i po svim vjerskim pitanjima unutar džemata. Imam je odgovoran za planiranje i sprovođenje vjerskog sadržaja u radu džemata. On vodi brigu o matičnim knjigama i zastupa interese džemata i njegovog članstva po svim vjerskim pitanjima. Detalje reguliše „**Pravilnik o radu imama**“ saveznog udruženja.
- 15.3 Imam je imenovan na dužnost putem dekreta reisu-l-uleme Islamske zajednice u Bosni i Hercegovini kao i putem potvrde o postavljenju vjerskog poglavara saveznog udruženja. Ovim dokumentima, imamu se dodjeljuje sposobnost da djeluje unutar džemata, odnosno ispunjavaju se uslovi da imam bude primljen u radni odnos. Detalje reguliše „**Pravilnik o radu imama**“ krovnog udruženja.
- 15.4 Imam je dužan podnositi džematskoj skupštini kao i glavnom imamu medžlisa jednom godišnje izvještaj o radu po pitanjima koji se tiču njegovih nadležnosti.  
Imam sačinjava planove za buduće djelovanje džemata po svim vjerskim pitanjima.
- 15.5 Imam je dužan poštovati smjernice i prijedloge Savjeta za vjerska pitanja saveznog udruženja u okviru svojih nadležnosti unutar džemata.

## § 16 Imovina džemata

- 16.1 Imovinu džemata čine vakufska dobra (trajna dobra po islamskim propisima). Imovinu džemata obuhvataju slijedeći oblici imovine: nepokretne stvari (nekretnine), pokretne stvari, prava vlasništva, finansijska sredstva i ostala imovina.
- 16.2 Vakuf predstavljaju u § 16.1 navedeni oblici imovine, koji džematu stoje na raspolaganju za ispunjavanje njegovih statutarnih ciljeva i svrha. Vakuf nije dozvoljeno koristiti u druge svrhe. O vakufu je nužno sačiniti adekvatan spisak, ukoliko to nije predviđeno zakonskim normama.

- 16.3 Džemat ima pravo da u okviru svojih ciljeva kupuje nekretnine. Da iste prodaje, uzima pod zakup ili iznajmljuje trećima. Kupovina nekretnine zahtjeva odgovarajuću odluku džematske skupštine. Nadzorno vijeće potrebno je adekvatno informisati. Za prodaju nekretnine i promjenu najmene nekretnine, potrebna je odluka 4/5 članstva kao i dozvola nadzornog vijeća. Nekretnine je potrebno centralno evidentirati u krovnoj organizaciji po pravilima „**Pravilnika za vakufsku imovinu**“ koji će donijeti krovna organizacija.
- 16.4 Finansijska sredstva džemata čine: članarine, dobrovojni prilozima kao i prihodi od vakufskih dobara. Za primanje dobrovoljnih priloga od strane van-džematskih institucija potrebno je odobrenje džematskog odbora.

### **§ 17 Usluge i nadoknade**

- 17.1 Nije dozvoljeno da bilo koja osoba na osnovu radnji i djelovanja koja nisu u skladu sa statutom, ima finansijsku korist. Svi organi džemata kao i članstvo džemata svoje obaveze u pravilu izvršavaju bez novčane nadoknade. Od ove odredbe isključen je imam, sa kojim će džemat redovno sklopiti radni ugovor shodno „**Pravilniku o radu imama**“.
- 17.2 Samo za one radnje, koje prelaze granicu uobičajenog volonterskog angažmana, odlukom džematskog odbora plaćat će se adekvatna nadoknada. O ovome potrebno je na adekvatan način izvijesiti džematsku skupštinu.

### **§ 18 Uvjeti po pitanju poslovnih knjiga džemata / Zaštite osobnih podataka**

- 18.1 Poslovne i finansijske knjige džemata se vode po zakonskim propisima.
- 18.2 Za izvršavanje svojih statutarnih ciljeva, džemat se poslužuje osobnim podacima svojih članova. Podatci se evidentiraju i po potrebi se prosljeđuju krovnom udruženju. Kroz članstvo u džematu i kroz priznavanje ovog statuta, pojedini član daje saglasnost da se njegovi osobni podatci evidentiraju, prerađuju i prosljeđivaju u okviru statutarnih nadležnosti i svrha. Svaki drugi vid korištenja osobnih podataka članstva, posebno njihova prodaja, nedozvoljena je.
- 18.3 Džemati i krovna udruženja osigurat će propisno i svrsishodno korištenje osobnih podataka. S tim u vezi oni snose zakonsku odgovornost.
- 18.4 Svaki član ima pravo:
- da traži informaciju o njegovim evidentiranim osobnim podacima
  - da traži ispravku svojih osobnih podataka koji su evidentirani ukoliko su netačni
  - da traži blokiranje svojih osobnih podataka koji su evidentirani
  - da traži poništenje svojih osobnih podataka koji su evidentirani.

## § 19 Izmjene statuta

19.1 Izmjene statuta su u isključivoj nadležnosti skupštine džemata. Predviđene izmjene statuta se dostavljaju prije usvrstavanja na dnevni red džematske skupštine nadzornom vijeću na provjeru. Prijedloge za izmjenu ili dopunu statuta daju: džematski odbor, nadzorno vijeće ili najmanje 25 članova džemata. Odluke o izmjeni statuta se donose sa  $\frac{3}{4}$  većinom članova koji su prisutni na džematskoj skupštini.

## § 20 Likvidacija džemata

20.1 Džematska skupština je ovlaštena da donese odluku o likvidaciji džemata nakon saslušavanja pred nadzornim vijećem i nakon pribavljanja njegove preporuke.

20.2 Skupštini, koja razmatra i donosi odluku o likvidaciji džemata, mora prisustvovati najmanje  $\frac{2}{3}$  članova džemata koji imaju pravo glasa. Ta skupština može donijeti odluku o likvidaciji džemata sa većinom od  $\frac{3}{4}$  prisutnih članova koji imaju pravo glasa. Ukoliko ta skupština nema potrebnog kvoruma (sposobnosti za donošenje odluka), potrebno je u naredne 4 sedmice sa rokom od 14 dana sazvati ponovo skupštinu sa istim dnevnim redom, koja odluku o likvidaciji može donijeti sa prostom većinom prisutnih članova. Navedena druga skupština je sposobna donositi odluke nevezano za broj prisutnih članova. Na tu pojednostavljenu sposobnost donošenja odluka, potrebno je ukazati u pozivnicama za prvu i drugu skupštinu.

20.3 Ukoliko džematska skupština donese odluku o likvidaciji džemata, odbornici džemata koji su u mandatu preuzimaju poslove likvidatora. U slučaju likvidacije džemata ili u slučaju eliminacije statutarnih ciljeva i svrha, u članu 16 navedena imovina džemata u potpunosti pripada saveznom udruženju

„Islamische Gemeinschaft der Bosniaken in Deutschland – Zentralrat e.V.“

(Islamska zajednica Bošnjaka u Njemačkoj – Mešihat),

koja je dužna koristiti istu neposredno i isključivo u društveno-korisne svrhe.

## § 21 Savjet za vjerska pitanja

21.1 Savjet za vjerska pitanja krovne organizacije savjetuje džemat po vjerskim pitanjima. Preporuke Savjeta za vjerska pitanja imaju savjetodavni karakter za članove, a obavezujuće za džemat.

21.2 Ukoliko savjet za vjerska pitanja nakon opsežnih provjera ustanovi, da se promicanje vjerskih aktivnosti u džematu vrši nedovoljno, Savjet za vjerska pitanja je ovlašten da predloži nadzornom vijeću konkretne mjere za poboljšanje.

## § 22 Završne odredbe

22.1 Službeni jezici u džematu su: njemački i bosanski.

22.2 Ukoliko su pojedini dijelovi ovog statuta nevažeći, ostali dijelovi ostaju na snazi i važeći.

22.3 Iz porezno-pravnih razloga ili u cilju postizanja registarsko-sudske sposobnosti za upis, formalne izmjene statuta mogu se izvršiti odlukom džematskog odbora.

- 22.4 Ukoliko nije drugačije regulisano, za svaku sjednicu organa džemata potrebno je natpolovično prisustvo članova organa. Odluke se donose ukoliko nije drugačije regulisano prostom većinom.
- 22.5 Džematski odbor se brine za pravilnike/poslovnike o unutrašnjem uređenju u okviru ovog statuta. Pravilnici/poslovnici se čuvaju u aktima džemata i daju se po potrebi na znanje i uvid svim članovima džemata. U pravilnicima/poslovniciima jasno definisana pravila su obavezujuća za sve članove džemata. Pravilnici/poslovnici se donose u pravilu na džematskoj skupštini imaju istu pravnu snagu kao i statut.

### **§ 23 Stupanje na snagu statuta**

- 23.1 Predstojeći nacrt statuta sastoji se od 23 člana. Usvojen je na redovnoj/vanrednoj džematskoj skupštini dana 15.07.2018 .g. i od tada je na snazi.